


018 19:15



MODEL - K.A

KËRKESË ANKIMORE

Drejtuar: Komisionit të Ankimeve dhe Sanksioneve (KAS) në Komisionin Qendror të Zgjedhjeve

Adresa: Rruga "Ibrahim Rugova", Ndërtesa nr. 4: Tiranë

ANKUESI	
Subjekti Ankues	Adresa, posta elektronike dhe/ose nr. i telefonit Bulevardi "Zhan d'Ark", nr. 11, Tiranë. Email: pd@rithemelimi.com
PARTIA DEMOKRATIKE E SHQIPËRISË (PD)	
<u>OBJEKTI I ANKIMIT</u> <ol style="list-style-type: none">Kundërshtimin e vendimit të Komisionerit Shtetëror të Zgjedhjeve nr. 745, datë 04.09.2023; dheNdryshimin e vendimit duke vendosur, Regjistrimin e Partisë Demokratike të Shqipërisë të përfaqësuar nga Kryetari Sali Berisha, si subjekt zgjedhr për zgjedhjet e pjesshme për kryetar të bashkisë Kukës, të datës 24 shtator 2023.	
Vendimi	<u>TITULLI I VENDIMIT</u> "Për mosregjistrimin e Partisë Demokratike si subjekt zgjedhr për zgjedhjet e pjesshme për kryetar të bashkisë Kukës, të datës 24 shtator 2023.....".
Nr.	Datë
745	04/09/2023
<ol style="list-style-type: none">Kundërshtimin e vendimit të Komisionerit Shtetëror të Zgjedhjeve nr. 745, datë 04.09.2023; dheNdryshimin e vendimit duke vendosur, C' regjistrimin e PDSH të përfaqësuar nga Lulzim Basha, si subjekt zgjedhor për zgjedhjet e pjesshme për kryetar të bashkisë Kukës, të datës 24 shtator 2023 dhe Regjistrimin e Partisë Demokratike të Shqipërisë të përfaqësuar nga Kryetari Sali Berisha, si subjekt zgjedhor për zgjedhjet e pjesshme për kryetar të bashkisë Kukës, të datës 24 shtator 2023.	
BAZA LIGJORE: Neni 4, pika 1 e Kushtetutës së Shqipërisë; Nenet: 3, 8, 10, 12, 12, pika 7, 13, 19, neni 21, 26, nenet 63, 64, Neni 124 e vijues, si dhe nenet 136, 136, pika 6, Neni 139, Neni 140, 141 e vijues të Ligjit Nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar; Kodi i Procedurave Administrative të RSH, i ndryshuar ;	




Nënsikrimi i Ankuesit

PËRSHKRIMI I SHKELJES SË PRETENDUAR

Partia Demokratike e Shqipërisë e përfaqësuar nga Kryetari Sali Berisha, ka paraqitur pranë KQZ dokumentacionin administrativ dhe ligjor për t'u regjistruar si subjekt zgjedhor, për zgjedhjet e pjesshme për kryetar të bashkisë Kukës, të datës 24 shtator 2023.

Komisioneri Shtetëror i Zgjedhjeve pas zhvillimit të seancës publike të datës 04 Shtator 2023, me Vendimin Nr. 745 ka vendosur:

1. Rrezimin e kërkeses të paraqitur nga Partia Demokratike e Shqipërisë e përfaqësuar nga Sali Berisha;
2. Pranimin e kërkeses për regjistrim të paraqitur nga Partia Demokratike e Shqipërisë e përfaqësuar nga Lulzim Basha;
3. Kundër këtij vendimi mund të bëhet ankimi në Komisionin e Ankimeve dhe Sanksioneve, jo më vonë se 3 (ditë) ditë nga shpallja e tij. (*Sipas shpalljes publike tëvete Komisionerit*). Nderkohe që sipas vendimit relevant të rregullatorit pranë KQZ për keto zgjedhje të pjesshme, afati i ankimeve është 24 ore nga marrja e vendimit.

Partia Demokratike e Shqipërisë, e kundërshton këtë vendim të padrejtë të Komisionerit Shtetëror të Zgjedhjeve, si një vendim antikushtetues dhe antiligjor, i cili përmban disa parregullsi, të cilat do të përshkruhen në vijim të arsyetimit ligjor se ku mbështetet ankimi.

Partia Demokratike e Shqipërisë është krijuar sipas Urdhërit Nr.12 datë 19.12.1990 të Ministrisë të Drejtësisë dhe rezulton e regjistruar në Regjistrin e Partive Politike.

Regjistrimet e akteve të fundit të këtij subjekti, në Regjistrin e Partive Politike, datojnë ato të pas Kuvendit Kombëtar të Partisë Demokratike të 29 Prillit 2018. Këto regjistrime përfshijnë pasqyrimin në regjistër të organeve drejtuese të PDSH si Këshilli Kombëtar, Kryetari i Partisë, Sekretari i Përgjithshëm dhe sekretariatet.

Gjithashtu të regjistrueshme, por ende të papasqyruara në Regjistrin e Partive Politike, janë vendimet e Kuvendit Kombëtar të Partisë Demokratike të Shqipërisë të datës 17 Korrik 2021, dhe organet drejtuese të dala nga ky Kuvend, me përjashtim të Kryetarit të Partisë.

Në Gjykatën e Rrethit Gjyqësor Tiranë, më datë 16.12.2021 është depozituar kërkesa e palës kërkuese "Partia Demokratike e Shqipërisë", përfaqësuar nga Komisioni i Rithemelimit, në referim të Ligjit Nr.8580 datë 17.02.2000 "Për Partitë Politike", i ndryshuar.

Objekt i kërkesës, ishte **depozitimi i ndryshimeve statutore, sipas vendimeve të marra nga Kuvendi i Partisë Demokratike i datës 11.12.2021**, Kuvend i cili ishte thirrur referuar parashkimeve statutore nga ¼ e anëtarëve/delegatëve të Kuvendit.

Me vendimin nr. 3 datë 25.03.2022, Gjykata e Rrethit Gjyqësor Tiranë ka vendosur:

-Pranimin e kërkesës së palës kërkuese, Partia Demokratike e Shqipërisë përfaqësuar nga Komisioni i Rithemelimit:

- Depozitimin e vendimeve të Kuvendit të PDSH duke regjistruar ndryshimet përkatëse në regjistrin e partive politike:

- Vendimin Nr.1 datë 11.12.2021, me anekset bashkëlidhur Statutin e Partisë Demokratike, të Kuvendit Kombëtar të Partisë;
- Vendimin Nr.2 datë 11.12.2021, të Kuvendit Kombëtar të Partisë Demokratike;
- Vendimin Nr.3 datë 11.12.2021, të Kuvendit Kombëtar të Partisë Demokratike;
- Vendimin Nr.4 datë 11.12.2021, të Kuvendit Kombëtar të Partisë Demokratike;
- Vendimin Nr.5 datë 11.12.2021, të Kuvendit Kombëtar të Partisë Demokratike;
- Vendimin Nr.6 datë 11.12.2021, të Kuvendit Kombëtar të Partisë Demokratike;
- Vendimin Nr.7 datë 11.12.2021, të Kuvendit Kombëtar të Partisë Demokratike.

- Kundër këtij vendimi mund të bëhet ankim sipas ligjit.

Kundër këtij vendimi ka bërë ankim deputeti Enkelejd Alibeaj pranë Gjykatës së Apelit të Juridiksionit të Përgjithshëm Tiranë, cila me vendimin nr. 44, datë 03.03.2023, vendosi:

1) Mospranimin e ankimit të ankuesit Partia Demokratike të Shqipërisë përfaqësuar nga Komisioni i Përkohshëm i Rithemelimit, të ushtruar ndaj vendimit nr. 508 rregj. them., datë vendimi 22.04.2022 me objekt "Disponim ankimi" të Gjykatës së Rrethit Gjyqësor Tiranë, si vendim ndaj të cilit nuk lejohet ankim.

2) Prishjen e vendimit nr. 3, datë 25.03.2022 të Gjykatës së Rrethit Gjyqësor Tiranë dhe dergimin e çështjes për rigjykim pranë asaj gjykate me tjetër trup gjykues.

3) Kundër këtij vendimi lejohet rekurs i veçantë në Gjykatën e Lartë brenda 5 ditëve, duke filluar ky afat nga dita e nesërme e komunikimit të vendimit të arsyetuar.

Ky vendim rezulton te jete edhe regjistrimi i fundit ne Regjistrin e Partive Politike, ne lidhje me Partine Demokratike – sipas pergjigjes zyrtare ardhur tek Partia Demokratike me shkrese nga Gjykata e Tiranës, me date 30.08.2023.

Në funksion të regjistrimit si subjekt zgjedhor për zgjedhjet e pjeshme vendore të Kryetarit të Bashkisë Kukes të datës 24.09.2023, Partia Demokratike ka detyrimin politik dhe ligjor të paraqesë kërkesën përkatëse për regjistrim si subjekt zgjedhor pranë Komisionit Qendror të Zgjedhjeve, sipas parashikimeve të nenit 64 të Kodit Zgjedhor, por në raport me kornizën ligjore ekzistuese konstaton se gjendja aktuale e organeve të saj më të larta drejtuese, krijuar me vullnet të lirë nga anëtarësia e saj sipas disponimeve të ligjit nr. 8580, datë 17.02.2000 "Për Partitë Politike", i ndryshuar, nuk rezulton të jetë e pasqyruar në regjistrin e Partive Politike dhe si e tillë t'i vihej në dispozicion KQZ në përmbushje të detyrimeve që burojnë nga neni 64 i Kodit Zgjedhor.

Përsa më sipër, duke konsideruar se:

- **Kuvendi i Partisë Demokratike të Shqipërisë i datës 11.12.2021, si dhe Statuti i PDSH dhe organet e partisë që burojnë prej tij janë aktet e fundit ligjore në fuqi, të regjistrueshme në Regjistrin e Partive Politike, sipas dispozitave të ligjit nr. 8580, datë 17.02.2000 "Për Partitë Politike", i ndryshuar.**



Nënshkrimi i Ankuesit

- **Vendimi nr.3 datë 25.03.2022, i Gjykatës së Rrethit Gjyqësor Tiranë**, i cili ka çertifikuar Kuvendin Kombëtar të Partisë Demokratike të datës 11.12.2021, është ende në fuqi i pashfuqizuar.
- **Vendimi nr.44, datë 03.03.2023** i Gjykatës së Apelit me Juridiksion të Përgjithshëm është një vendim jo përfundimtar dhe jo i formës së prerë në kuptim të parashikimeve të nenit 451, shkronja “ç”, i Kodit të Procedurës Civile të Republikës së Shqipërisë, i cili do të rekursohet nga ana jonë sapo të na komunikohet vendimi i arsyetuar nga Gjykata e Apelit.
- **Rekordet e organeve drejtuese të Partisë Demokratike të Shqipërisë** që figurojnë të pasqyruara në Regjistrin e Partive Politike janë të vjetra dhe **nuk pasqyrojnë korrektësisht organet drejtuese të saj**, veçanërisht përsa i përket ish-kryetarit të partisë z. Lulzim Basha i cili, përveçse është shkarkuar nga kjo detyrë në Kuvendin Kombëtar të datës 11.12.2021 ka dhënë edhe dorëheqjen me një akt publik në datën 21.03.2022.
- **Kërkesa për regjistrim e subjektit zgjedhor në zgjedhje**, sipas nenit 64 të Kodit Zgjedhor dhe akte të tjera që lidhen me të, janë akte ekskluzive të cilat i takojnë Kryetarit të Partisë.
- Mospasqyrimi i akteve të sipërcituara, në regjistrin e Partive Politike mund të rrezikojë proceduralisht, regjistrimin e partisë më të madhe të opozitës në procesin zgjedhor.

FAKTET, ARGUMENTAT, DISPOZITAT LIGJORE KU MBËSHTETET ANKIMIMI.

Të gjitha faktet, indiciet dhe provat në disponimin tonë, provojnë në mënyrë të qartë dhe të pakundërshtueshme se PD e përfaqësuar me kryetar z. Sali Berisha duhet të regjistrohet si subjekt zgjedhor nga KQZ:

1. Partia Demokratike e Shqipërisë i ka vënë në dispozicion KQZ, të gjithë dokumentacionin ligjor mbi bazën e të cilit provohet se kryetar i Partisë Demokratike është Sali Berisha.
2. Kushtetuta e Republikës së Shqipërisë, në Nenin 4, pika 1, parashikon se: **“E drejta përbën bazën dhe kufijtë e veprimtarisë së shtetit”**. Në rastin konkret, KQZ nuk mund të refuzojë regjistrimin e PD përfaqësuar nga Sali Berisha vetëm bazuar mbi mungesën e shkresës së regjistrimit të partive politike, ku fatkeqësisht në regjistër vijon të mbeten të dhëna të pasakta dhe të vjetëruara, që datojnë qysh nga regjistrimet e vitit 2018.
3. Nga ana tjetër, Komisioneri Shtetëror i Zgjedhjeve nuk mund të merrte në shyrtime fare kërkesën për regjistrim të paraqitur nga përfaqësuesit e ish-Kryetarit të PD Lulzim Basha, për sa kohë janë fakte të njohur botërisht se Basha është shkarkuar nga Kuvendi i 11.12.2021, konfirmuar kjo me Referendumin e datës 18.12.2021, si dhe gjithashtu është fakt i njohur botërisht që në datë 21 Mars 2022 ky i fundit ka dhënë dorëheqjen publike nga funksioni që vijonte të mbante padrejtësisht.
4. Kodi Zgjedhor, në Neni 139 i titulluar “Faktet e njohura botërisht”, te pika 1 e këtij Neni përcakton në mënyrë krejt të qartë se: **“1. Për faktet, të cilat janë të njohura botërisht, si dhe për ato fakte, të cilat janë të ditura për KOZ-në, për shkak të funksioneve të saj, nuk nevojitet verifikim. Gjatë hetimit administrativ të çështjes, KQZ-ja konfirmon në seancë njohjen dhe marrjen parasysh të tyre në shqyrtimin e çështjes”**. Në dosjen e regjistruar në KQZ në datë 05.03.2023, PD ka paraqitur




Nënshkrimi i Ankuesit


edhe vendimet e marra nga Kuvendi Kombëtar i 11 Dhjetorit 2021, ku një nga vendimet është edhe shkarkimi i kryetarit Lulzim Basha. Po ashtu, është fakt i njohur botërisht se Lulzim Basha ka dhënë dorëheqjen me vullnet të lirë në 21 Mars 2021, pas disfatës së tij elektorale në zgjedhjet e pjesshme vendore. Për sa kohë ky lajm i dorëheqjes së Lulzim Bashës ka qënë publik, i transmetuar gjerësisht nga mediat vendase dhe të huaja, gjykojmë se edhe KQZ mund të kishte marrë dijeni lidhur me këtë fakt të njohur botërisht edhe për shkak të funksioneve të saj në organizimin e proceseve zgjedhore të subjekteve apo partive politike.

5. Sidoqoftë, me këtë ankim, ne kërkuesit po paraqesim edhe prova të publikimit të lajmit / faktit të njohur botërisht, se më datë 21.03.2022 L. Basha është dorëhequr publikisht nga drejtimi i Partisë Demokratike. **Ky fakt është konfirmuar nga perfaqesuesi i Lulzim Bashes edhe ne Kolegjin Zgjedhor ne ceshtjen nr. 5, date 27.03.2023, ku u theksua se Basha kishte dhene doreheqjen nga drejtimi i Partise. Ne kushtet kur Basha paska dhene doreheqjen njehere, dhe gjithashtu ne kushtet kur rizgjedhja e pretenduar e tij, nuk eshte regjistruar ne Regjistrin e Partive Politike, regjistrimi i PDSH si subjekt me Bashen kryetar eshte absolutisht i pavlefshem.** Sepse nuk mundet qe KQZ te mbaje dy qendrimet krejt te kunderta per nje situatë te njejte, pa cenuar parimet kushtetuese dhe pa cenuar ligjin. Pse ? Sepse edhe ne Mars 2023 ne fleten e regjistrimit te partive politike Basha figuronte si kryetar, por nuk u regjistrua PD nen emrin e tij, por te nenkryetarit: Pikerisht kjo ndodhi me argumentat se, 1) Basha ishte dorëhequr publikisht dhe 2) Basha kishte deshtuar te jepte nje autorizim te rregull per Nenkryetarin Alibeaj qe ta kryente regjistrimin nen emrin e Bashes. Ne kushtet kur Kryetari sipas KQZ mungonte, atehere u procedua me regjistrimin e subjektit me Nenkryetarin, ne ate kohe z. Alibeaj. Pra KQZ nuk u bazuar vetem dhe ekskluzivisht mbi regjistrin e partive politike, por u bazua edhe mbi realitetin politik dhe juridik te partise ne ate moment.

Por sot situata ka evoluuar me tej: Sot kemi edhe z. Alibeaj te dorëhequr dhe dorëheqja e tij është pranuar nga forumet e Partise. Ne keto kushte, PDSH e perfaqesuar nga Basha nuk duhet te regjistrohej per mungese legjitimitimi per shkak sepse regjistri i partive politike NUK pasqyron realitetin e situates dhe per shkak se rizgjedhja e pretenduar e z. Basha nuk eshte e regjistruar ne Gjykate *(dhe s'ka sesi te regjistrohet nga Gjykata sepse ai proces eshte totalisht ne shkelje te statutit, rregullores dhe akteve te tjera qe rregullojne marredheniet ne Partine Demokratike).*

6. Nga ana tjetër, është po fakt i njohur botërisht se zgjedhja e Lulzim Bashës në vitin 2021 është kontestuar në Gjykatë që në Qershor 2021 nga rivalja në garë Edith Harxhi. **Sikunder procesi zgjedhor qe Basha pretendon se ka kryer tani eshte fakt i njohur boterisht se eshte kontastuar nga z. Bardhi dhe eksponente te tjere te partise, te cilet u jane derjtuar edhe Gjykates se Tiranës per te penguar shkeljen e panumerta ligjore. Pra paraqitja e L. Bashës në fletën e regjistrimit të partive nuk është as aktuale dhe as përfundimtare.** Së dyti, Lulzim Basha u shkarkua nga Kuvendi i PD i 11 dhjetorit 2021. Gjykata e Apelit nuk rrëzoi Kuvendin e 11 dhjetorit, por vendimin e gjykatës që urdhëroi regjistrimin e tij në regjistrin e Partive dhe urdhëroi




Nënskrimi i Ankuesit

rishqyrtimin e tij, përfshirë shkarkimin e Lulzim Bashës dhe së treti, Lulzim Basha dha dorëheqjen më 21 mars 2022.

7. Nëse trajtojmë vetëm dorëheqjen. Kushtetuta dhe ligji e njohin dorëheqjen si mekanizëm kryesor për përfundimin e parakohshëm të një mandati kushtetues (*presidenti, deputeti, kryeministri, etj*) apo ligjor. Kur jepet dorëheqja nuk ka diskutim sepse është akt individual vullneti. Pasoja është përfundimi i menjëhershëm i mandatit. Për t'u rikthyer në mandat duhet që personi të rizgjidhet apo riemërohet. Statuti i PD ka të njëjtat parashikime. Kur një kryetar dorëhiqet, duhet zgjedhur një i ri. Në periudhën e ndërmjetme, Këshilli Kombëtar duhet të zgjedhë një nga nënkryetarët që të ushtrojë përkohësisht detyrën e kryetarit, deri sa të zgjidhet i riu (jo deri sa të zgjohet i vjetri). Pra, pa llogaritur që demokratët e shkarkuan edhe me referendum më 18 dhjetor 2021, Lulzim Bashës i ka mbaruar mandati edhe me statutin e tij të korrikut 2021. Meqenëse Këshilli Kombëtar nuk është mbledhur të zgjedhë një nënkryetar të përkohshëm, nuk ka një kryetar në detyrë as sipas atij statuti të Bashës që më pas u shfuqizua më 11 dhjetor 2021.
8. Të regjistros PD me Lulzim Bashën dhe vendosësh në fletën e votimit emrin e Lulzim Bashën si kryetar të PD, pavarësisht se PD ka zgjedhur kryetarin e saj Sali Berisha, nuk është gjë tjetër veçse konfuzion, keqdrejtim dhe mashtrim i qëllimshëm i zgjedhësve, pra shkelje e barazisë në zgjedhje. **Ndaj KQZ është para sprovës më të madhe në 32 vite: Do të bëjë drejtësi duke regjistruar PD me kryetar Sali Berisha, siç e ka përcaktuar vota e anëtarëve të saj, apo do të regjistrojë një vulë që i ka humbur kryetari prej mëse 1-viti?**
9. Të gjitha të dhënat e prezantuara nga Partia Demokratike e përfaqësuar nga Kryetari Sali Berisha janë të sakta, reale, të përditësuara dhe në përputhje me ligjin. Aktualisht, mos-fshirja e emrit të Lulzim Bashës dhe mos-pasqyrimi i emrit të z. Berisha në regjistrin e partive politike vjen si rezultat i zvarritjeve të qëllimshme të vendimeve gjyqësore, me qëllimin e vetëm dëmtimin e opozitës reale në vend dhe shkeljen e barazisë në zgjedhje për të favorizuar deri në fund mazhorancën qeverisëse.
10. Edhe vendimi i fundit i Gjykatës së Apelit, i shpallur jo pa qëllim të premtën, vetëm 3-ditë para skadencës së afatit maksimal të lejuar nga Kodi Zgjedhor për regjistrimin në zgjedhjet vendore të subjekteve politike, tregon për paramendim lidhur me zvarritjen me gati 1-vit i atij procesi dhe lënia e gjykimit në limitet kohore. Pavarësisht se vendimi i marrë nga apeli rezultoi një vendimmarrje e ndërmjetëme, ndaj të cilës lejohet rekurs i veçantë në Gjykatë të Lartë, (*pra nuk rezultoi një vendim i formës së prerë*), sërish efekti i tij ishte që direkt apo indirekt të pengohej apo vonohej regjistrimi si subjekt zgjedhor i Partisë Demokratike me kryetar Sali Berishën.
11. Ndryshe nga dosja e plotë dhe e saktë e paraqitur nga Partia Demokratike me kryetar Sali Berishën, dosja tjetër a ardhur në KQZ me firmë dhe vulë të ish-Kryetarit Basha, tregonte jo vetëm mungesë të theksuar dokumentacioni, por dëshmon gjithashtu edhe për mungesë serioziteti:




Nënshkrimi i Ankuesit

12. Pra përfundimisht, duke mos-marrë për bazë faktet e njohura botërisht, sikundër kjo përcaktohet edhe nga vetë Kodi Zgjedhor - Neni 139, pika 1 e tij – si dhe duke anashkaluar vendimet e KAS dhe Kolegjit Zgjedhor, Komisioneri Shtetëror i Zgjedhjeve në gjykimin tonë ka shkelur procedurat dhe ligjin duke vendosur mospranimin e regjistrimit të PD përfaqësuar nga z. Sali Berisha si subjekt zgjedhor për zgjedhjet e Kukësit të 24.09.2023 por në vend të kësaj, në shkelje të ligjit, ka vendosur ta regjistrojë subjektin PDSH me L Bashën si kryetar.

Nisur nga sa më sipër, KAS duhet të shpallë të pavlefshëm vendimin objekt ankimi dhe të ndryshojë vendimin e Komisionerit Shtetëror të Zgjedhjeve për sa ka vendosur mosregjistrimin e Partisë Demokratike të Shqipërisë, përfaqësuar nga Kryetari Sali Berisha, si dhe për sa ka vendosur regjistrimin e këtij subjekti me kryetar Lulzim Bashën. Njëkohësisht, kërkojmë nga ana e KAS, ndryshimin e vendimit objekt ankimi, duke detyruar KQZ që të bëjë regjistrimin e Partisë Demokratike me Kryetar Sali Berisha, si subjekt zgjedhor për zgjedhjet e pjesshme vendore për Kryetar Bashkie në Kukës të datës 24.09.2023, në përputhje me parashikimet e nenit 64 e vijues të Kodit Zgjedhor dhe sipas jurisprudencës së krijuar nga vetë KQZ me vendimin e saj nr. 230 dt.27.04.2019, sipas dokumentacionit që do të gjëni bashkëlidhur në dosje.

Përfundimisht, bazuar mbi sa u argumentua më lart, Partia Demokratike e Shqipërisë, e përfaqësuar nga Kryetari Sali BERISHA,

Kërkon:

1. Kundërshtimin e vendimit të Komisionerit Shtetëror të Zgjedhjeve nr. 745 datë 04.09.2023; dhe
2. Ndryshimin e vendimit duke vendosur, Ç' regjistrimin e PDSH të përfaqësuar nga Lulzim Basha, si subjekt zgjedhor për zgjedhjet e pjesshme për kryetar të bashkisë Kukës, të datës 24 shtator 2023 dhe Regjistrimin e Partisë Demokratike të Shqipërisë të përfaqësuar nga Kryetari Sali Berisha, si subjekt zgjedhor për zgjedhjet e pjesshme për kryetar të bashkisë Kukës, të datës 24 shtator 2023.

PROVAT QË PARAQITEN DHE / OSE KËRKOHEN, BURIMIN SI DHE NUMRI I TYRE.

1. Vendimi i datës 04.09.2023 i Komisionerit Shtetëror të Zgjedhjeve;
2. Të gjithë dokumentat që gjenden në dosjen e dorëzuar në KQZ;

Për Subjektin “Partia Demokratike e Shqipërisë” – “PD”

Përfaqësuesi Ligjor

Avokat Franci NURI

Franci NURI

Tiranë, 05/09/2023

Franci

